

# YANGIOBOD OVOZI

YANGIOBOD TUMANI HOKIMLIGINING IJTIMOY-SIYOSIY, MA'RIFIY GAZETASI

№ 2 (49) 24-fevral, 2023-yil, juma



Ijtimoiy-siyosiy, ma'rifiy gazeta



Bahosi erkin narxda



Gazeta 2019 yil yanvardan chiqa boshladi

## ZAKOVAT INTELEKTUAL O'YINI



Jizzax viloyati Yangiobod tuman Axborot-kutubxona markazida Yangiobod tuman Ichki ishlar bo'limi xodimlari ishtirokida buyuk shoir va mutafakkir Mir Alisher Navoiy tavalludining 582 yilligi munosabati bilan "Zakovat" intellektual o'yini tashkil etildi. Buyuk shoir Mir Alisher Navoiy bebaho ijodiy-ilmiy merosi nafaqat xalqimiz, balki jahon adabiyoti tarixida, milliy madaniyatimiz va adabiy-estetik tafakkurimiz rivojida alohida o'rin tutganligi haqida batafsil ma'lumot berib o'tildi. "Zakovat" intellektual o'yinida 3 ta jamoalar o'zaro bellashdilar. Jamoalar berilgan savollarni qiziqarli bahs-munozaralar bilan muhokama qilib, tezkorlik va aniqlik bilan javob berishdi hamda o'z bilim salohiyatlarini yana bir bor namoyish etishdi. "Zakovat" intellektual o'yini qiziqarli bahs-munozaralarga boy tarzda bo'lib o'tdi. G'oliblikni qolga kiritgan jamoalar Axborot-kutubxona markazining diplom va esdalik sovg'alari bilan taqdirlandilar. Tadbirida 20 nafar Ichki ishlar bo'limi xodimlari va kitobxonlar ishtirok etdilar.

Axborot-kutubxona markazi



Yangiobod tuman Axborot-kutubxona markazi tomonidan shu yilning yanvar oyi davomida kitobxonlarni qishki ta'til vaqtlarini mazmunli o'tkazish maqsadida "Kitobxonlar klubi" telegram guruhida respublika miqyosida onlayn savol-javoblar viktorinasi tashkil etilgan edi.

Ushbu onlayn savol-javoblar viktorinasida faol ishtirok etib, eng yuqori natijalarni qo'lgan kiritgan zukko kitobxon ishtirokchilar Axborot-kutubxona markazi tomonidan munosib rag'batlantirildi.

Axborot-kutubxona markazi direktori F.Rahimov g'olib ishtirokchilarga faollik uchun minnatdorchilik bildirgan holda samimiy tabriklab, ularga "Diplom" va "Kitoblar jamlanmasi" topshirdi.

F. RAHIMOV, Axborot-kutubxona markazi direktori